

DIE XVI. MAII.

S. JOANNIS NEPOMUCENI MARTYRIS.

DUPLEX.

Oratio.

DEUS, qui, ob invictum beati Joannis sacramentale silentium, nova Ecclesiam tuam martyrii corona decorasti : da nobis, ejus intercessione et exemplo, linguam caute custodire ꝫ ac omnia potius mala quam animæ detrimentum in hoc sæculo tolerare : Per.

DIE XVIII. MAII.

S. VENANTII MARTYRIS

SIMPLEX.

Oratio.

DEUS, qui hunc diem beati Venantii Martyris tui triumpho consecrasti ꝫ exaudi preces populi tui : et præsta ut qui ejus mérita venerámur ꝫ fidei constantiam imitemur : Per.

DIE XIX. MAII.

S. PETRI CÆLESTINI PAPÆ ET CONFESSORIS.

DUPLEX.

Oratio.

DEUS, qui beatum Petrum Cælestinum ad summi Pontificatus apicem sublimasti ꝫ quique illum humilitati postponere docuisti : concede propitius ut ejus exemplo cuncta mundi despícere ꝫ et ad promissa humilibus præmia pervenire feliciter mereámur : Per.

In j. Vesperis Memoria sanctæ Pudéntiæ Virginis.

Oratio.

EXAUDI nos Deus salutáris noster : ut, sicut de beatæ Pudéntiæ Virginis tuæ festivitáte gaudémus ꝫ ita piæ devotiõnis erudiámur afféctu : Per.

